



**Antoninus Diana Panormitanus, Clericus Regularis, Doctor
Celeberrimus, Coram S. D. N. Alexandro VII. Episcoporum
Examinator, & Sancti Officij Regni Siciliæ Consultor,
Coordinatus, Seu Omnes ...**

Diana, Antonino

Lugduni, M. DC. LXXX.

2. Opinio negatiua firmatur, nempe Decreta Pontificis esse infallibilia,
etiam emanata extra Concilium. Ex part. 11. tract. addit. 2. resolut. etiam
2.

[urn:nbn:de:hbz:466:1-76442](#)

Rom. Pont. extra Concil. Ref. II. 341

Episcopo decernuntur. Deinde etiamsi Papa non possit errare dum definit aliquid, quod sit de fide, & de necessitate ab omnibus explicitè credendum, tamen si definiat aliquid, quod non est ex necessitate ab omnibus credendum, non videtur inconveniens, quod quantum ad hoc possit errare.

5. Probatur tertio, qui repugnat definitioni Romani Pontificis, non est hæreticus: ergo signum est non esse ejus iudicio adhærendum tanquam certo, & infallibili. Antecedens probatur ex B. Cypriano, qui acriter repugnavit Stephano Pontifici definiti, quod ab hæreticis baptizati, non essent rebaptizandi. Indò S. August. lib. 2. de Baptismo cap. 7. & seq. clarè docet varias ea de re fuisse tum sententias Catholicorum, & quidem sine crimine, quandiu nulla extabat Concilij universalis definitio.

6. Probatur quartò, Pontifex si hæreticus sit, potest velle Ecclesiam errore maculare, & ad hanc maculam imponendam definitione uti. Ergo ejus definitio non est infallibilis veritatis. Et confirmo, si hoc tempore, quo Pontifex occulta hæresi infensus sit, suboritur aliqua dubitatio de rebus ad fidem pertinentibus, quid obstat potest, quominus tunc Pontifex errorum firmet, & pro veritate credendum fidelibus proponat? Poterit ergo Pontifex errare.

7. Et tandem probatur quintò, quia plura sunt scripta Doctorum à Pontifice approbata, quæ tamen non sunt omnino vera. Ergo Pontifex errare potest. Antecedens probatur ex cap. Sancta Romana 15. disp. ubi à Gelasio, papa approbat scripta Cypriani, Chrysostomi, Gregorij Nazianzeni, Basilij, & Ambrosij: atqui in his scriptis plura quæ veritatem non attingunt, continentur. Nam cum illis temporibus non erat de omnibus elucidata veritas, & ex alia parte non erant scriptores Canonici, meritò potuerunt errare, ut rectè expendit Cano lib. 7. de locis cap. 3. conclus. 2.

R E S O L . II.

Opinio negativa firmatur, nempe Decreta Pontificis esse infallibilia, etiam emanata extra Concilium. Ex part. 11. tract. addit. 2. Ref. etiam. 2.

Quod hoc §. V Erum his non obstantibus negativam sententiam à Catholicis tenendam esse existimo, & illam tuetur D. Thomas 2. 2. 9. art. 10. & infra 9. 11. art. 2. ad 3. & 4. contragm. c. 79. & in opus. 1. & contra errores Gracor. cap. 33. & a cap. 65. usque ad 70. tenuerunt exppositores D. Thomas, Bannez, & Aragonius ad ipsum art. 10. Valentia §. 40. & 45. Bellatum. lib. 4. cap. 3. tract. 2. de autoritate Papa cap. 9. Turrecremata lib. 2. cap. 109. Osius lib. 2. contra Brenum cap. 18. Driedo lib. 4. de dogmatibus cap. 3. part. 3. Waldensis lib. 2. fidei cap. 47. & 48. Echius tractat de primatu Petri. Soto in apolo. pro sua corfes. fidei cap. 8. Victoria refutatione de potestate Ecclesie. Rhophenius art. 28. contra Lutherum. Arriaga in cursu Theol. tom. 5. diff. 9. sect. 4. n. 22. Amicus in cursu Theolog. tom. 4. diff. 7. sect. 1. n. 23. Caramuel in Theol. fundamentali fundam. 8. num. 169. Suarez, Malderus, Wiget, Castillo, Tannerus, Granadus, Canus, Fragofus, Stapletonius, ubi infra, quibus addit Turrianum in 1. 2. disputat. 16. dub. 1. Poncium in cursu Theolog. disputat. 28. quest. 2. conclusione 9. num. 13. Silviro in controvers. libro 4. quest. 2. artic. 8. & novissimum Brunum Chassaing de privilegi. Regul. part. 1. tract. 1. cap. 1. propof. 2. cum Andrea Duallio tract.

Tom. IX.

de Romano Pontifice part. 2. quest. 1. afferentes, quod Pontifex dum definit aliquid de fide, etiamsi seorsum, & sine Concilio definit, errare non potest. Ista conclusio videtur mihi definita à Leone X. in Bulla contra articulos Lutheri, ubi inter alios articulos ipsius dannat. 28. in quo dicebat, Papam errare posse in definiendo, &c. eundem errorem tenuit Petrus Ochiomensis damnatus in Concil. Complut. confirmat per Sixtum IV. denique in disp. de Concil. dictum est multos errores hæreticorum, quos Ecclesia damnat condemnatos esse per sententiam Romanorum Pontificum extra Concilium, qualis est error Pelagianorum, Priscillianistarum, &c.

2. Probatur ista nostra conclusio potissimum ex verbis Christi ad Petrum Luc. 22. Ego rogavi pro te Petre, ut non deficiat fides tua, & tu aliquando conversus, confirme fratres tuos. Quibus verbis duo privilegia data sunt Petro, & eius successoribus propter orationem Christi. Primum, ut non deficiat fides Petri: Secundum, ut confirmet fratres in fide, quorum utrumque, aut quodlibet seorsum non posset praestare Petrus, aut Romanus Pontifex eius successor, si posset errare in definiendo, &c. quia tunc jam dehinc fides Petri in Ecclesia, & non posset confirmare fratres in fide.

3. Deinde probatur manifestè, eo quod Concilia Provincialia, eo ipso quod à Papa approbentur, censent esse infallibilis veritatis, ut ostenditur ex Miletiano, & Araniscono, & aliis; ergo etiam sine Provinciali Concilio erit infallibilis regula. Patet; nam si semper Generale, quod videtur reprobante totam Ecclesiam non requiritur, certè nec Provinciali, quia hoc non habet ullam infallibilitatem, ergo: Adde, quod si in Ecclesia est talis infallibilitas, debet esse in eius capite: quale Pontifex; nam cum frequenter sibi fuerint difficultates circa fidem, non expediebat ullo modo ea à sola tota Ecclesia simul iuncta posse decidere: ea enim conyocatio in tot occasionibus moraliter esset impossibilis, ergo debuit esse una persona, quæ sine difficultate saltem per litteras conveniri posset: qualis est Summus Pontifex, qui alioquin supremam in totam Ecclesiam habet iurisdictionem,

4. Hinc Eugenius III. in canonizatione Sancti Henrici, quæ habetur in Bullario tom. 1. supponens ordinariam canonizationem solere fieri in Concilio addit hæc: Auctoritate tamen Sanctæ Romanae Ecclesiæ, quæ omnium Conciliorum firmamentum est ad eam canonizationem, &c. Vbi ponderandum à Pontifice doceri duo: primum Concilia non habere firmatatem, nisi quam accipiunt à Pontifice Romano; Unde inferitur, ea ante approbationem Pontificis non est de fide. Secundum pondero, ipsum Pontificem ibid. sentire eam auctoritatem, quæ Conciliis dat firmatatem, posse extra Concilia totam suam firmatatem habere: unde intulit, se etiam extra Concilium posse ad canonizationem procedere.

5. Et tandem, omnia superius confirmantur, quia plurimi Pontifices variis erroribus absque ullo Generali Concilio condemnarunt, quorum condemnatio à tota Ecclesia acceptata fuit, ut patet ex primis trecentis annis, in quibus nulla unquam Concilia Generalia propter ingruentes persecutions coacta leguntur, cum tamen multæ in fide quæstiones toto hoc tempore feliciter sponitate, & determinatae fuerint per Pontificum definitiones. Nec dicant adversarij hos errores pro hæresibus habitos non fuisse, donec his Pontificum definitiōnibus Conciliorum Generalium calculus accederet; fallum enim est omnibus quotquot fuerint

F f 3 erroribus

erroribus à Sede Apostolica damnatis, & qui iam pro hæresibus in Ecclesia haberentur, semper accusasse Concilij cuiusdam Generalis condemnationem: Quod enim quæso, Concilium Generale Pelagianos damnavit, ut ipsi pro hæreticis in Ecclesia haberentur, certè, ut ex Prospero præmoniuimus post decreta Concilij Africani à Zosimo Papa approbata, statim toto corbe pro hæreticis habiti sunt ipsi Pelagiani, quod etiam Novatianos condemnavit, qui jam tempore Cypriani inter hæreticos censabantur, & Nycentum Concilium omnium Occidentalicorum primum centum viginti quinque annis ex Baronio tom. 2. & 3. præcesserunt. Chærantas iam Apostolorum tempore, & paulò post, Appelliani, Valentiniiani, Marcionites, tanquam hæretici in Ecclesia denigrati sunt, & contra eorum hæreses Irenæus, & Tertullianus, & alij calamus acuerunt, quod quæso, Concilium Generale tunc celebratum fuit, ut ipsi pro hæreticis per totam Ecclesiam haberentur.

6. Itaque dicendum est, quod non expediebat Ecclesia, propter quam hæc potestas data est Pontifici, ut illi daretur quasi alligata, & dependens à Concilio Generali: ergo verisimile non est ita fuisse datum; ac subinde poterit Pontifex sine tali Concilio veritatem definire sine periculo erroris. Antecedens ostendit primum, quia difficultatum est Concilium Generale congregare, & ordinariè fieri non potest sine magno labore & dispendio Ecclesiæ, & aliquando potest esse moraliter impossibile, propter persecutions, bella, vel alia impedimenta. Aliundè vero potest sàpè instare necessitas dammandi novam insurgentem hæresim, vel declarandi veritatem aliquam necessariam, qua ad dubium revocatur: ergo oportuit Summum Pontificem habere hanc potestatem independentem à Concilio Generali. Secundò, quia ita erat utilius ad majorem Ecclesiæ uitatem; quia nisi caput Ecclesiæ haberet in omnibus superiori potestatem, facilè possent oriri schismata. Tertiò, numquam legimus, hanc potestatem datam esse Pontifici dependenti à Concilio, sed potius è converso datum esse Concilio dependenti à Papæ, vnde ratione illius habet infallibilitatem; & idè ante confirmationem eius non habet dictam auctoritatem; Ergo Pontifex per se habet illam; vnde de facto solent Concilia Generalia illius sequi iudicium, vt videre licet in Ephesino primo, & Calcedonensi, & in Nycento secundo. Et videti etiam potest Innocent. I. epist. 26. & Gregorius lib. 4. epist. 32. & Gelasius in epist. ad Faustum.

7. Vnde ex superius dictis Andreas Duuallius Professor Sorbonicus tract. de Pontifice part. 2. quæst. 1. sic agit: Absolutè certum est Summum Pontificem neque in fide, neque in moribus ex cathedra decernendis errare posse, statimque à sua canonica electione infallibilitatis privilegio à Christo donari. Laudabilis in Academia Parisiensi viger consuetudo, qua Baccalaurei de questionibus Theologicis solemniter responsuri, protestationes præmituntur, se nolle quidquam contra decreta Sanctæ Matris Ecclesiæ, necnon Sanctæ Sedis Apostolicae, & Romanae, afferere aut defendere, & si quid in auctu disputationis adversus eiusmodi decretalia illis exciderit, vel ignorantia, vel immemoria, vel lingua precipito attribuendum velle. Ita ille. Cui adde aliuni Doctorem Gallum Ioannem de Leet, in tract. de auctor. Pont. lib. 2. per totum: "contra Simonem Vigorium afferentem infallibilitatem non competere Pontifici, nisi à Concilio Generali."

RESOL. III.

Respondetur ad argumentum pro affirmativa sententia ab adversario excoigitata, ac superius posita Ex part. II. tract. addit. 2. Ref. etiam 3.

5.1. *S'pra in ref. 1.* aliqua argumeta adduximus, que sententiam affirmativam videbantur statim impetrare. Ideò ad primum respondeo, quod in Evangelio, sicuti toti Ecclesiæ promissa est assistentia Spiritus Sancti, Ioann. 14. si Petro, & ejus successoribus, Luca 22. & ita sicut tota Ecclesia errare non potest, sic nec Petri successor in definendo. Ad id autem quod dicitur ex Acto 15. dico quod licet fidelis Petrus auctoritate ordinaria posset definire questionem de legalibus. Imò solus Paulus, aut Jacobus iurisdictione delegata, ut optimè vidit Bellarmino lib. 4. cap. 17. ad secundum tamen placuit eam definire in Concilio, vbi de illa re fuit facta magna inquisitio.

2. Ad secundum argumentum respondetur primum non esse timendum, quod Papa definiat aliquid sive in Concilio, sive extra Concilium absque sufficienti diligentia, quoniam qui promisit Petro, & successoribus ejus assistentiam Spiritus Sancti, ad cuncta definendum, promisit media, id est inquisitionem veritatis, & quod faciet illam diligentiam, quæ sufficiat, sicut si promitteret Deus ubertatem legum, promitteret etiam curam Agricolarum circa cultum terræ. Secundò, non est alligatus Romanus Pontifex, ut faciat istam sufficientem diligentiam in Concilio, vel extra Concilium, quia vtroque modo potest consulere viros doctos, & inquirere antequam definiat.

3. Ad id autem, quod dicebatur in argumento, si hoc ita est, frustra est congregare Concilia. Respondetur negando consequentiam, quoniam cum ad definendum aliquid debat præcedere inquisitione, & consultatio, optimè sit in Concilio per diligentiam Patrum, qui ibi sunt congregati. Et declaratur magis, quia id, quod definitur tanquam de fide inquiritur in scriptura, & in traditionibus, &c. optimè autem in Concilio sit ista inquisitione per Patres totius Ecclesiæ. Accedit ad hoc, quod hac ratione Patres si aliquando dissentient, melius uniti, & unusquisque illorum cognoscit quid in sua Diœcesi debeat proponere credendum suis subditis.

4. Ad tertium argumentum respondeo negando antecedens: Ad ejus probationem responderemus Stephanum quidem Pontificem tum verbis, tum scriptis instituisse, ut antiqua Ecclesiæ confuetudo de non rebaptizandis iis, qui ab hæreticis baptizati fuerant, inviolabiliter servaretur; imò etiam hoc ipsum præcepisse, quemadmodum liquet ex epistola Cypriani 74. quæ est ad Pompeium: numquam tamen definitiv velut rem fide tenendam. Et propter ea, quamvis Cyprianus non sine culpa repugnauerit Stephano Papæ, ejusque præcepto non obedierit, eum tamem immunitum fuisse ab hæresi diximus 2. 2. quæst. 11. art. 2. partim quia non erat pertinax, vt potè paratus acquiescere definitioni Ecclesiæ: vnde numquam se ab aliis, qui contra sentiebant, separavit partim quia nihil adhuc erat ab Ecclesia determinatum ac definitum, sed consuetudinis robore tenebatur orbis terrarum, & hæc sola opponebatur inducere volentibus novitatem, ait Augustinus, lib. 2. de baptism. c. 9. Si autem extitisset aliqua definitio, non sola consuetudo fuisse opposita, sed ipsa definitio fuisse allegata.

5. Neque